



ГОВЬСҮМБЭР АЙМАГ
**ШИВЭЭГОВЬ СУМЫН ЗАСАГ ДАРГЫН
 ЗАХИРАМЖ**

2021 оны 10 сарын 12 өдөр

Дугаар А/157

Шивээговь сум

Намрын нэгдсэн эргүүл шалгалт,
 сурталчилгааны ажил зохион
 байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2, Захиргааны ерөнхий хуулийн 43 дугаар зүйлийн 43.1, 46 дугаар зүйлийн 46.1, Байгаль орчныг хамгаалах тухай хуулийн 17 дугаар зүйлийн 17.2.1, Ойн тухай хуулийн 18 дугаар зүйлийн 18.2.1, Говьсүмбэр аймгийн Засаг даргын 2021 оны 10 дугаар сарын 04-ний өдрийн А/281 дугаар захирамж, сумын Иргэдийн төлөөлөгчдийн хурлын 2021 оны "Сумын 2021 оны төсөвт нэмэлт өөрчлөлт оруулах тухай" 04 дүгээр тогтоолыг тус тус үндэслэн ЗАХИРАМЖЛАХ НЬ:

1. Намрын хуурайшилтын улирал эхэлж хээрийн түймэр гарах эрсдэлийг өндөрсгөж байгаатай холбогдуулан болзошгүй хээрийн түймэр, байгаль хамгаалах журмын эсрэг гэмт хэрэг зөрчлөөс урьдчилан сэргийлэх, иргэдийг мэдээ мэдээллээр хангах ажлыг эрчимжүүлэх зорилгоор нэгдсэн эргүүл, хяналт шалгалт, сургалт сурталчилгааны ажлыг 2021 оны 09 дүгээр сарын 27-ны өдрөөс 12 дугаар сарын 01-ний өдрийг хүртэлх хугацаанд зохион байгуулсугай.

2. Эргүүл, хяналт шалгалт, сургалт сурталчилгааны ажлын удирдамжийг хавсралтаар баталсугай.

3. Эргүүл, хяналт шалгалтын ажлын хэсгийг дараах бүрэлдэхүүнтэй томилсугай.

Ажлын хэсгийн ахлагч:

Б.Шинэбаяр (Цагдаагийн хэсгийн дарга, цагдаагийн хошууч)

Гишүүд:

С.Отгонбаатар (2 дугаар багийн Засаг дарга)

Н.Амаржаргал (1 дүгээр багийн Засаг дарга)

О.Отгонбаяр (Байгаль хамгаалагч)
Г.Даваажаргал (Шивээ-Овоо
хувьцаат компанийн Хөдөлмөрийн
аюулгүй байдал, эрүүл ахуйн
хэлтсийн ахлах инженер)

4. Эргүүл шалгалтын ажилд зарцуулагдах 600000 (Зургаан зуун мянга) төгрөгийг сумын "Байгаль хамгаалах, орчны бохирдлыг бууруулах-хоггүй сум" дэд хөтөлбөрийн төсвөөс гаргахыг нягтлан бодогч (М.Энхжаргал)-д зөвшөөрсүгэй.

5. Ажлыг чанартай зохион байгуулж, сумын мэргэжлийн ангийн бэлэн байдлыг хангах, үр дүнг гарган танилцуулж ажиллахыг Цагдаагийн хэсгийн дарга, цагдаагийн хошууч (Б.Шинэбаяр), захирамжийн биелэлтэнд хяналт тавьж ажиллахыг Засаг даргын орлогч (Ч.Сугармаа) нарт тус тус үүрэг болгосугай.

ЗАСАГ ДАРГА



П.ГАНЧИМЭГ

Сумын Засаг даргын 2021 оны 10-р сарын 12 ний өдрийн А/157 дугаар захирамжийн хавсралт



НАМРЫН ЭРГҮҮЛ ШАЛГАЛТ, СУРТАЛЧИЛГААНЫ АЖЛЫН УДИРДАМЖ

Нэг. Зорилго

Говьсүмбэр аймгийн Засаг даргын 2021 оны 10 дугаар сарын 04-ны, өдрийн А/281 дугаар захирамжийн хүрээнд байгаль орчныг хамгаалах, Гамшгаас хамгаалах, ойн тухай хууль тогтоомжуудыг хэрэгжүүлэх болон хаврын хуурайшилтын үе эхэлж байгаатай холбогдуулан сумын хэмжээнд болзошгүй хээрийн түймэр, байгаль орчны эсрэг гэмт хэргээс урьдчилан сэргийлэх зорилгоор эргүүл шалгалтын ажлыг зохион байгуулж ард иргэдийг мэдээ, мэдээллээр хангах, учирч болох эрсдэлээс урьдчилан сэргийлэх, анхааруулга сэрэмжлүүлэг өгч, ажиллахад оршино.

Хоёр. Хугацаа

Эргүүл хяналт шалгалтын ажлыг 2021 оны 09 дүгээр сарын 27-ны өдрөөс 12 дугаар сарын 01-ны өдрийг дуустал хугацаанд гүйцэтгэх ба хуурайшилтын нөхцөл байдлаас хамаарч уг хугацааг өөрчилж болно.

Гурав. Үйл ажиллагааны чиглэл

Д/Д	Хэрэгжүүлэх арга хэмжээ	Хугацаа /сар/	Хариуцах байгууллага
Хээрийн түймрээс урьдчилан сэргийлэх ажлын хүрээнд			
1	Ойн тухай хуулийн 13 дугаар зүйлийн 13.1.30-д заасныг хэрэгжүүлэн ой, хээрийн гал түймрийн аюултай үед албан хаагчид, олон нийтийг татан оролцуулах	09,27- 12,01	Ажлын хэсэг
2	Эргүүл шалгалтаар илэрсэн хууль бус үйлдлийг шалган хуулийн дагуу арга хэмжээ авч хураагдсан түүхий эдийг журмын дагуу шийдвэрлэх ажлыг зохион байгуулж, олон нийтэд мэдээлэх	Зөрчил илэрсэн тухай бүрд	Ажлын хэсэг
3	Ойн тухай хуулийн 6 дугаар зүйлийн 6.5-д заасныг хэрэгжүүлэн, хээрийн гал түймрийн цагийн байдлын тухай мэдээг Онцгой байдлын газарт тухай бүр болон хагас жилээр гаргаж өгөх	09,27- 12,01	Ажлын хэсэг
4	Ойн тухай хуулийн 17 дугаар зүйлийн 17.2.13-д заасныг хэрэгжүүлэн, хээрийн гал түймэр гарсан		Ажлын хэсэг

	үед бүрэн эрхийнхээ хүрээнд хүн хүч, техник хэрэгслийг дайчлан, гарсан гал түймрийг унтраах ажлыг шуурхай зохион байгуулах		
5	Ойн тухай хуулийн 43 дугаар зүйлийн 43.1, Засгийн газрын 2013 оны 106 дугаар тогтоолыг хэрэгжүүлэн, хээрийн гал түймрээс учирсан хохирлыг хуулийн хугацаанд тогтоож, тайлагнах		
6	Засгийн газрын 2013 оны 106 дугаар тогтоолын 2 дугаар хавсралтын 1.7.1-д заасныг хэрэгжүүлэн хавар, намрын хуурайшилтын улиралд Засаг даргын захирамжаар хуваарь гарган хөдөлгөөнт эргүүл, шалгалт хийх, /Ковид-19/-ын хяналтын постуудыг давхар үүрэгжүүлэн ажиллах		
7	Коронавируст халдвар (COVID-19)-ын цар тахлын тархалттай холбогдуулан мэргэжлийн байгууллагаас гаргасан халдвар хамгааллын дэглэмийг мөрдөж ой, хээрийн гал түймэр унтраахад дайчлах гамшгаас хамгаалах алба, мэргэжлийн анги, сайн дурын хэсгийн Ой, хээрийн гал түймэр унтраах сургалт, дадлагыг зохион байгуулах	09,27- 12.01	Ажлын хэсэг
8	Хээрийн гал түймрээс урьдчилан сэргийлэх, тэмцэх арга хэмжээний орон нутгийн хөтөлбөр, төлөвлөгөө, шаардагдах төсвийг батлуулан хэрэгжилтийг хангуулах, биелэлтэд хяналт тавих		
9	Хээрийн гал түймрийн нөхцөл байдал хүндэрч аймаг, нийслэлээс нэмэлт хүн хүч дайчлан ажиллах үед бие бүрэлдэхүүний эрүүл мэндийг хамгаалах зорилгоор харьяа эрүүл мэндийн асуудал хариуцсан байгууллагаас тусгай баг томилон ажиллуулах		

Дөрөв. Илэрсэн зөрчлийг шийдвэрлэх

Эргүүл шалгалтаар илэрсэн хууль бус үйлдлийг таслан зогсоож холбогдох байгууллагад шилжүүлэн хууль тогтоомж, дүрэм, журмын дагуу шуурхай арга хэмжээ авч ажиллана.

Тав. ЭРГҮҮЛ, ХЯНАЛТ ШАЛГАЛТЫН АЖЛЫН НЭГДСЭН ТӨСӨВ

№	Зарцуулагдах ажлын нэр	Шатахуун	Тоо хэмжээ	Нэг бүрийн үнэ	Нийт үнэ төгрөг
1	Ажлын хэсгийн эргүүл шалгалтын ажилд зарцуулагдах шатахуун	А-92	283 л	2120	599,960
Нийт			-	-	599,960

Жич: Тухай бүр маршрут батлуулан эргүүл шалгалтын ажлыг зохион байгуулан тайлагнах.